

(Le 11-18 Sauti)

TE VEA NO TAHITI,

Te taata loa, e ere te Tavana e te haava, o tei hanaaro i te hoe hohoa o teienei vea, au fau mai ia e 3 farane no na avae etoru.

Faaau mai ia Tepito te nei parau i Papeete.

Ei haaparare raa i te parau rii api e faufaa hia i to te mau fenua i roto i te Hau Tamaru; e nei i te mau mahana maha loa.

O te feia hoo taoo, e te mau taata e haapao i te tau raa taoo, o tia ia ia nenei atoa hia ta ratou mau parau faate i roto i reinei Vea, ia au fau mai ratou 1 farane no te reui hoe.

Faaau mai ia Tepito te nei parau.

Apoo raa i te mahana 21 no Tunu.

Peretiteni raa no Tairapa.

Tati. Eiaha na ia parau e ruhia tu, a rave na i te tabi ohipa, eiaoti ia rave atu ai i te tabi. Te hoi faahou nei au i nia i te parau no te komite raa fenua. Auaa faaore hia teienei ture maitai; e parruru hoi teie ia outou, e ore e roaa faahou ai to outou fenua ia matou; e hau hoi teie, i naha, eita ia fenua e roaa faahou i te haru e te rave noa. Faarue e roa tu tena parau maamaa.

Fariue. Te ani atu nei au i to te Apoo raa, e faahuru e, i te hoe vahi iti, i roto i te ture maiti raa faahou nei, e na o taua vahi iti ra; eiaha te tara vahine, ia maiti hia e ia faariro hia ei faahou.

Arahu. Te ani atoa nei au i te hoe tau ani raa na'u; e faatia, faahou te iatoai i roto i te mau mataeinaa, e ei maa ta ratou; e feia faufaa rahi teie nei mau iatoai i roto i te mataeinaa, mai te mea, ia tupu te ohipa i roto i te mataeinaa ra, o ratou te feia e itoitoni nei, e o ratou hoi te haapua i te rave raa i te mau faaue raa a te hau; ia faaue ae i te mau tavana mataeinaa ra, o te mea ia i maitai ai ta te tavana faatere raa hau i tona mataeinaa, maori ra teienei mau iatoai. Teie te piti o ta'u ani raa, ei roto i tona iho ra mataeinaa rave ai te taata faautuahia i tana utua, eiaha afai hia mai i Papeete nei. E mea rahi atoa te ohipa hau i te mau mataeinaa toa, maori ra hoi te parumu, te vaere i te mau aua hau, etc e ere tei Papeete ana nei te vai raa o te ohipa hau. To'u ia hinaaro, e te ani atu nei au i to te Apoo raa, ia imi maitai iho i teienei tau ani raa, e ia faatia mai.

Tapute. Te faatia nei au i te ani raa mata-mua, no te mau iatoai ra; e parau mau teie e parau hia nei e e faufaa rahi roa ta ratou, oia mau ia, ei iatoai e maitai ai o na apae mau ia i raro ae i teienei tavana, e maitai ai tana faatere raa hau i roto i tona mataeinaa.

Taihaa. E vaiho na tatou i teienei tau ani raa api i ani hia mai nei; a rave na tatou i te ohipa matamua, i te parau no te komite raa fenua; teie e homa to'u manao e ta'u parau, e ore e tia ia'u te faaore i teienei ture maitai i oti nei, e afai roa teie ture i tou ra fenua; e papai mau a to'u mau fenua, ia ore au ia peapea faahou.

Mare. Te parau faahou nei a vau i ta'u parau i parau iho nei, peneiae aore a outou i maramarama i nia i taua parau ra; no te aba teienei koraita i faatiabahi? e ere anei no te faaore raa i te maro raa fenua? E ere anei ia taa maitai te mau fenua i roto i te mau mataeinaa?

Ia itea te maoro raa e te aano raa, e vahi ino anei e homa te reira? Te manao nei au e vahi maitai rahi roa tei reira, e pouri rahi e homa to tatou mai mutaa mai a, aore roa te hoe taata iti i ite, maitahito mai i te taa raa o tona iho fenua, te rahi raa o tona iho fenua, aita roa tu. Aita roa hoi i taa maitai, e o mea te fatu i tera vahi, o mea te fatu i te ra vahi. Te tabi peau taata, te na'o noa ra ratou, e o ratou te fatu, na vai ra ratou i faariro ei fatu, eaha te mea e ite ai te taata toa e te taata ee, e o ratou mau te fatu? Aita roa ia e vahi maramarama raa, area i teienei ture, te faariro nei ia i te taata fenua, ei fatu no taua fenua ra, te paruru faate ra iana, ia ore oia ia ere faahou, aita tu hoi e mana i hau maoriraote ture nei; e i naha te faaore ra outou i tau a raveamaitai ra i taua paruru puia te ture ra, E feia huru e outou, e pouri taotao to outou. Eaha hoi teie ture e au ai, e purotu pai teie. E hio maitai mai na pai outou i te ino o te ture, aore hoi i paari, aore a i o teie maitai, e i naha te poara na outou i te taria. Maururu to'u i te tabi tau iriti ture i parau iho nei, e e na roto i te irava ture te hio, o te ture taatoa ra, e vaiho noa ia; te nao ra te parau, e moni rahi te toru toata no te fenua matamua e te toru reara no te fenua i muri iho. Ahiri outou i na reira mai te imi raa, e vahi huru maitai ae ia. Teie te hopea o tau nei parau, ua hape roa outou to te Apoo raa nei, outou i imi i teienei parau, te faahapa ra outou i ta tatou ture, te parau maira, e mana te mau parau i te tuu i roto i te rima o na komite hiopoa ture toopae, e na ratou e imi, e ia maramarama ia ratou, a tuu mai ai na outou na to te Apoo raa e imi. Eaha idora hoi ta te komite ravea i teienei, i naha te parau noa hia nei e outou. E i teienei te ani atu nei, au ia oe e te peretiteni, e faoti ore i teienei mau parau, e e haapao tatou i tei faate hia mai i roto i ta tatou ture. E tuu oe na te ravea, ei reira tatou e ite maitai ai i to te Apoo raa manao.

Peretiteni. Ua tuu oia i teienei parau na te ravea, e ua rahi to te Apoo raa i faatia e e faarue atu taua parau ra i rapae, eiaha e tuu hia i roto i te rima o te komite hiopoa ture.

Tei faatia ia faarue roa hia, eiaha tuu hia i te komite. 44

Tei faatia, e tuu i te komite. 36

Tei hau e faarue roa eiaha tuu hia i te komite ra. 8

Faoti i hora te peretiteni i te Apoo raa i te hora maha i te ahiahi.

APOO RAA IRITI RAA TURE.

Mahana 22 no Tiunu 1853.

Peretitēni ra no Tairapa.

I te hora hoe ahuru ma piti i afa i te Apoo raa.

Peretitēni. A imi atu ai tatou i te parau i haapao hia no teienei mahana, e mata na vau i te faaite atu ia outou, i te hoe iriti ture api i tae mai nei no Papara; e i te hoe tavana iriti ture hoi no Papeuriri o Ravaai; no te mai raua i mairi ai, i ore i tae mai ai i te mahana i haapao hia no teienei ohipa. Mai te mea, i tia ia outou e to te Apoo raa ia tuu mai ia raua i roto ra, a faaite mai.

Ua faatia to te Apoo raa taatoa, e ua faao hia mai raua i rota.

Peretitēni. Te parau i haapao hia no teienei mahana, o te ani raa ia a Arahū, no te faatia faahou i te ia toai i roto i te mau mataeinaa, e e eu te maa na ratou.

Ote. Ua taio mai oia i te hoe ani raa na te mau mutoi no Papara, e faaore atu i te hoe upaupa i faatiahia i rotō i to ratou mataeinaa.

Maro. Ua ani mai te peretitēni, e taio mai i te hoe ani raa nana iho, nō te faanebenehe raa i te mau mataeinaa toa.

Hoaoe. E haapao e koma tatou i te au raa o ta tatou nei ohipa; e mata na tatou i te rave i te tahi, e ia oti maitai ia, a rave atu i te tahi; e mea huru ē teie, i naha, ua faaite mai to tatou peretitēni i ta tatou ohipa e rave i teie mahana, e te ani haere noa mai nei hoi i te tahi mau parau ee.

Maheanuu. Te faatia nei au ē teienei ani raa no te iatoai nei, e ia ēu hia te maa na ratou, na te mataeinaa e eu.

Teahu. Eita e tia ia' u, eiaha roa faatia faahou hia te eu raa maa i roto i teienei hau; e hahae atu tena na ani raa.

Farena. Hoe a parau.

Hoaoe. E haapao a e homa tatou i ta tatou ture e au ai; e na niā maite i te ravea e ia tia i to te Apoo raa e tpu i te komite ra, o te reira ia, e aore ra, te reira ia; e hahae atura, eiaha faatia hia.

Peretitēni. Ua na nia oia i te ravea.

Tei faatia e tuu i te komite 42

Tei ore i faatia. 41

Tei hau i te faatia. 1

Ua faaue faahou te peretitēni i te auvaha o te komite no te petitioni, e taio mai a i te hoe ani raa.

Maheanuu. Ua taio mai a oia i te hoe ani raa, eiaha te fanau tama e te tara vahine ia faariro hia ei faeahau.

Taero. Ua tia roa teie ia' u, e faatau maitai ra, ei teie faaipoipo mau hia, eiaha tei taoto

noa, e tia ia ia maiti hia e faeahau.

Pee. Te mana nei au, e ore e tia ia faariro ei ture, aita tu e taata i te tahi mau mataeinaa aera, e feia taoto vahine afae, aita roa e taata to' u aera mataeinaa.

Peretitēni. Ua na roto oia i te ravea, e ua faatia to te Apoo raa, ia tuu hia teie ani raa i roto i te rima o te komite hiopoa ture. Ua faaue faahou te peretitēni i te auvaha o te komite no te petitioni, e taio faahou mai i te toru o te ani raa.

AVIS.

En vertu de l'arrêté du 2 janvier 1850, n. 29, les Européens résidant dans les districts devront verser entre les mains des chefs la somme de dix francs pour la prestation du premier semestre de l'année 1853.

Cet argent sera remis par les chefs à M. Lebrun pour Tairapa, à M. Adam pour Teaharoa, à M. Vallès pour Teva-i-uta et pour le Pirionuu et Teoropaa, entre les mains du commissaire de police à Papeete.

Les chefs devront envoyer au directeur du bureau des affaires indigènes, les noms de tous les résidents européens dans leurs districts.

Papeete, le 18 juillet 1853.

Signé : BRIOT.

NOTICE.

In accordance with the arrete n. 29, of the 2 January 1850, the europeans residing in the districts must pay into the hands of the chiefs of the respective districts the sum of ten francs, being the usual amount of money required for the repair of roads, for the first six months of the year 1853.

This money shall be paid by the chiefs into the hands of Mr. Lebrun for Tairapu, Mr. Adam for Teaharoa, Mr. Valles for Teva-i-uta and for Pirionuu and Teoropaa, the commissary of the police at Papeete.

The chiefs shall send to the director of the bureau indigene the names of all the europeans residing in their districts.

Papeete, 18 July 1853.

Signed : BRIOT.

PARAU FAAITE.

Mai tei au i te faaue raa n. 29, no te 2 Januari 1850, e aufau atu ia te mau papaa' toa e parahi haere i roto i te mau mataeinaa, i roto i te rima o te mau tavana, i te moni, tai. 10 farane; o te moni teie no te hamani raa purumu, no na avae matamua e ono o te matahiti 1853.

E tuu atu hoi te mau tavana mataeinaa no Tairapu i taua moni ra i roto i te rima o te raatira i Taravao, to Teaharoa ra i roto i te rima o Atamu, to Tevaiuta i roto i te rima o Miti Vareti; e to Pirionuu e o Teoropaa i roto i te rima o te tomitera mutoi i Papeete.

E faaite aloa mai hoi te mau tavana mataeinaa i te éé o te papeau tabiti nei, i te ioa o te mau papaa' toa e parahi haere i roto i to ratou mau mataeinaa.

Papeete, te 18 Tiurai 1852.

Papa'hia : BRIOT.

Te mau pahi i tapae mai, mai te mahana 13 mai a no Tiurai.

Tira d. ti farani o Anne, mai Matuita mai.
Tira piti o te Hau Tahiti, mai Tiarei mai.

Te mau pahi i reva.

Tira piti beretane o Express, ua reva i Mataoae e hoo i te anahi
Tira piti o te Hau Moorea, ua reva i Taravao.

Te éé no te Tavana : BRIOT.